

Lou tèms viro De-segur, lou recaufamen se perseguis que mai en Prouvènço (pajo 5)



Prouvènço d'aro

Tóuti li mes, lou journau de la Prouvènço d'aro

Jun de 2023

n° 399

2,10 €

Jo Flourau de Toulouso

700 an aquesto annado

700 an de defènso e de proumoucioun de la pouèsiò, s'acampèron pèr manteni lou lirisme courtès.

À la Toussant 1323, sèt troubadour, gentilome e bourgès toulousois, s'acampèron pèr crea un counours de pouèsiò que baiavo pèr recoumpènso uno viòuleto d'or, la flour de Toulouso...

La *Coumpagnié dóu Gay Saber*, aguè l'estatut d'Acadèmi en 1694 pèr Louis lou XIV^{en}.

Eiritiero d'uno tradicioun d'eicelènci despièi sèt siècle, proumòu la pouèsiò s'acampèron pèr crea un counours de pouèsiò que baiavo pèr recoumpènso uno viòuleto d'or, la flour de Toulouso...

Counsiderado coume la mai anciano soucieta sabènto d'Éuroppo, l'Acadèmi di Jo Flourau fuguè recouneigudo d'utilita publico en 1923. Soun sèti es aro l'Hotel d'Assézat, à Toulouso, qu'es aro en restauracioun.

Aquesto targo pouètico s'acampè lou 3 de mai 1324 pèr lou proumiè cop. Emé l'ajudo di Capitoul, li sèt fourmèron *lou Counsistori del Gay Saber* que perseguiuè lou counours, ié baiè de prèmi noumbrous e proumouguè li règlo de la retourico e de l'art pouètique.

Au debut dóu siècle XVI^{en}, apareiguè Clemènço Isaure que baiè sa fourtuno pèr la mantenènço di Jo Flourau.

Pèr de letro patènto de 1694, Louis lou XIV^{en} la trasfourmè en Acadèmi de 36, pièi de 40 mantenèire, assoucia à de mèstre-ès-jo, carga de perpetuï la tradicioun e de realisa d'acamp de travai regulié.

La periodo revoulucionari esparpaiè li membre de l'Acadèmi e arrestè sis obro. Remeso en ativita en 1806, l'Acadèmi, despièi, decesso pas d'atribuï de prèmi.

Despièi 1896, s'acampo à l'Hotel d'Assézat, chasque 3 de mai, dins la salo dis Illustre dóu Capitole, qu'es mai grando que i'a tout plen de candidat, surtout de jouine de mens de 25 an. Se fai, chasco annado, lou laus de Clemènço Isaure e li flour, que soun aperavans benesido à la basilico de la Daurado, soun distribuïdo. Ronsard, Voltaire, Chateaubriand e Victor Hugo fuguèron laureat di counours de l'Acadèmi.

Dèu soun noum i Jo Flourau, fèsto celebrado à Roumo en l'ounour de la divesso Floro. Aro soun distribuï lou soucit (l'inmourtalo), la courbo-dono, la viòuleto, la primadello, e l'ielé, que guierdounon lis autour de pouèmo en francès e en lengo d'oc.

Lis autre an de medaio e de diploma.

La Medaio di Jo Flourau pèr Tricìo Dupuy



L'Hotel d'Assézat e Damo Clemènço

L'Acadèmi di Jo Flourau es istalado dins l'Hotel d'Assézat, un di mai bèus oustau Renaissance de Toulouso. Coustruï sus de plan de Micoulau Bachelier, fuguè coumanda pèr Pèire Assézat riche negociant pastelie (lou pastèu faguè la fourtuno de Toulouso au siècle XVI^{en}), coumerçant emé l'Éuroppo touto pièi devenguè Capitoul.

Lou bastimen acaba en 1560 devenguè l'oustau e lou liò de travai de Pèire Assézat. Caup uno grando court en formo de quadrilatère,

entourado d'uno *loggia* emé un pountin, un grand cors de lougis, d'uno travado emé uno galarié, subre-mountado d'uno toure qu'èro la mai auto de Toulouso.

L'Hotel restè dins la famiho Assézat jusqu'en 1761, pièi fuguè croumpa pèr un ome que trasfourmè tout lou dedins.

Après de noumbrous proupiètiari l'inmoble es croumpa pèr un mantenèire de l'Acadèmi, que lou leguè à la vilo pèr i'assousta 6 soucieta sabènto que ié soun toujour.

Despièi 1990 es uno foundacioun (Georges Bemberg) e un forço bèu museon.

Messioun

- Proumoucioun de la pouèsiò en francès e en lengo d'oc en Franço e dins lou mounde.

- Counours e prèmi pèr encouraja la creacioun pouètico, en francès e en lengo d'oc.

- Proumoucioun di jóuni pouèto dins lou mitan escolàri e universitari.

- Favourisa la creacioun literari e la difusioun de la culturo, pèr de leituro e de counferenci publico.

Avèn agu la souspreso de vèire que comtan demiè nòstis abounat uno bello pognado d'academician toulousois.

Irèno Palmiro

La bello medaio de Tricìo Dupuy

Fuguè la recoumpènso i Jo Flourau de l'Acadèmi Clemènço Isaure.

Pajo 3

Marsiho, un Pont trasbourdaire

Zóu mai, se parlo de la renaissance d'aquéu pont, sarié pas uno galejado...

Pajo 12

La Republico e li lengo regionalo

Uno plaço moudèsto mai noun vergougouso dins l'ensignamen...

Pajo 2